

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput XXV.

[urn:nbn:de:hbz:466:1-64103](#)

OREMUS.

Domine sancte Pater omnipotens æterne Deus: à quo descendit omne bonum, & omne donum; tibi gratias referimus, & exulta vota reddimus: suscipe vota nostra cum actionibus gratiarum, & intercedente Beatâ MARIA Virgine sanctoque FRANCISCO huic infanti (puellæ) de cetero præsta Salutem mentis & corporis: ut te Creatorem rectâ Fide colat, in te Redemptore Spem suam confirmet, tæque suum Bonum super omnia diligit, atque fætis Mandatis tuis semper obediatur. Per Dominum nostrum. &c.

Deinde Habitum exuendo dicat:

Reddite Vota vestra Deo, cum actibus suis. *Psalmus.* Laudate Dominum omnes Gentes; laudate eum omnes populi. &c.
Deinde deponat Habitum super Altare; & dicat:

- ¶. Domine exaudi orationem meam.
- ¶. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

Suscipe sancte Pater omnipotens æterne Deus: vota, precésque supplicum, & per intercessionem Beatissimæ Virginis MARIAE sanctique Patris nostri FRANCISCI præsta nobis ita beneficia tua cognoscere; ut in gratiarum actione semper maneamus. Per Dominum nostrum Jesum Christum. &c. Amen.

Postea benedicat Circumstantes.

C A P U T XXV.

De Indulgentiis concessis Fratribus, & Sororibus Tertiis Ordinis directè, & specificè, etiam in propriis domibus viventibus.

CXXII. **D**uodecim Indulgientiae amplif. Primo. **S**ame concessæ à Paulu V. in

Bulla: *Romanus Pontifex, relatâ C. 4. n. 10.* de Indulgentiis concessis Fratribus Minoribus & Monialibus *Gregorius XV.* in Bulla: *Injunctioni Nobis.* extendit 3^{to} Nonas Junii. 1621. ad Tertiarios S. Francisci.

Secundo. *Paulus V.* specificè in Bulla: *Cum certas. &c.* datâ Romæ ad S. Petrum die 11. Martii. 1607. Pontificatus sui Anno 2^{do} (quæ Bulla adest Romæ impressa in Archivio Conventus S. Francisci trans Tyberim) concessit sequentes Indulgientias Tertiariis directè & specificè.

Primò. Die, quo recipiunt Habitum, vel Chordam benedictam à Superiore Ordinis in memoriam S. FRANCISCI; si contriti, & confessi, Eucharistiam sumplerint; Indulgientiam plenariam lucrantur.

Secundo. Eodem modo in Festo Primario Ordinis lucrantur Indulgientiam plenariam.

Tertiò. In articulo mortis invocato nomine JESU; plenariam.

Quarto. Qui assistunt, & sequuntur processionem Chordæ, omni mense fieri solitam; lucrantur Indulgientiam 3. Annorum, & totidem Quadragenarum. Si autem confessi communicaverint, plenariam.

Quinto. Qui confessi, & sancta Communione refecti, visitaverint Ecclesias Fratrum Minorum in Festis S. Francisci, S. Antonii de Padua, S. Ludovici, S. Bernardini, S. Bonaventuræ, S. Claræ iuxtantur Indulgientias septem annorum, & totidem Quadragenarum; præter Indulgientias plenarias à Sexto V. concessas.

Sexto. Qui assistunt Officio B. M. Virginis, dum legitur in Oratorio; lucrantur Indulgientias 100. dierum.

Septimo. Qui sequuntur sanctissimum Sacramentum, dum portatur ad infirmos; lucrantur Indulgientias quinque annorum, & totidem Quadragenarum.

Octavo. Qui comitantur Sepulturam

R. 2

Mor-

Mortuorum , dant eleemosynam Pauperi, conciliant pacem inter inimicos , toties , quoties pro quolibet istorum operum ; impetrant Indulgencias centum dierum.

Nono. Conceditur ; quod Fratres prædicti , & Sorores possint has gratias spirituales consequi , & illas applicare animabus in Purgatorio per modum Suffragii. Invenitur apud Audam de Lantosca fol. 86. in idiomate Italicu.

C A P U T XXVI.

De Indulgentiis concessis Chordigeris expressè & specificè.

Paulus V. ad perpetuam rei memoriam.

CXXIII. **N**uper Archi-Confraternitati Chordigerorum , in Ecclesia Domûs Fratrum S. Francisci Assisiens. Ordinis Minorum Conventualium , canonice errectæ & illius Confratribus certas Indulgencias & gratias spirituales concessimus ; per nostras in forma Brevis literas , hujus tenoris , videlicet : *Cum certas unicuique Confraternitati Indulgencias & gratias spirituales [quibus imposterum fruantur] duxerimus præscribendas ; idcirco omnes & singulas Indulgencias , & Peccatorum remissiones , ac Pœnitentiarum relaxations , Archi-Confraternitati Chordigerorum , in Ecclesia Domûs Fratrum S. Francisci Assisiens. Ordinis Minorum Conventualium canonice errectæ , & illius Fratribus hactenus , per quoscunque Romanos Pontifices , Prædecessores nostros , concessas revocantes , & nulliantes , ac nullius roboris & momenti post hac datas præsentium fore declarantes , de omnipotentis Dei Misericordia , ac B.B. Petri & Pauli Apostolorum ejus Authoritate confisi.*

I. Omnibus utriusque sexûs Christi-Fide-

libus : qui in memoriam ejusdem S. Francisci Chordam benedictam , ab ejusdem Ordinis Superioribus suscipientes , prædictam Archi-Confraternitatem de cætero ingredientur ; die primâ eorum ingressus : si verè pœnitentes , & confessi , sanctissimum Eucharistia Sacramentum sumpserint ; plenariam.

Ac tam ipsis pro tempore describendis , quam jam descriptis in dicta Archi-Confraternitate Confratribus , & Consororibus , etiam verè pœnitentibus & confessis , ac sacrâ Communione refectis ; qui prædictæ Archi-Confraternitatis Ecclesiam , seu Oratorium in Festo principalí ejusdem Archi-Confraternitatis , à primis Vesperis usque ad Occasum Solis , ejusdem Festi singulis annis devotè visitaverint , & ibi pro Principum Christianorum concordia , hærelum extirpatione , & S. Matris Ecclesiæ exaltatione , piis ad Deum Preces effuderint ; etiam plenariam.

In mortis quòque articulo ejusdem Confratribus & Consororibus , qui pœnitentes & confessi , ac sacrâ Communione refecti ; vel quatenus id facere nequierint , saltem verè pœnitentes Nomen IESU ore , si potuerint , sín autem ; corde devotè invocavent : plenariam similiter omnium Peccatorum suorum indulgentiam , & remissionem misericorditer in Domino concedimus.

Nec non ipsis Confratribus & Consororibus qui prædictæ Archi-Confraternitatis Processioni singulis mensibus fieri solitæ interfuerint : tres annos , & totidem Quadragesas ; & si fuerint confessi , ac sacrâ Communione refecti , ibique pias ad Deum Preces fuerint ; etiam Plenariam.

Qui verò Officio Beatae Mariae Virginis ab ejusdem Archi-Confraternitatis Confratribus pro tempore celebrando & recitando , aut cuivis alteri Officio pariter interfuerint ; centum dies,

insti-